

**CONVENIO DE COLABORACION ENTRE A FUNDACION CIDADE DA
CULTURA DE GALICIA E MEDIASIETE UNDATIA UTE PARA A
REALIZACIÓN DO PROGRAMA TELEVISIVO “OS NOSOS SABIOS” EN
CIDADE DA CULTURA DE GALICIA**

MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta Fundación Cidade da Cultura de Galicia formalizou o 25 de Setembro de 2018 con **MEDIASIETE COMMUNICATION AND PR CONSULTING S.L. & UNDATIA S.L., UNION TEMPORAL DE EMPRESAS, LEY 18/1982, DE 26 DE MAYO** o instrumento convencional arriba referido por unha duración prevista para a realización do programa ‘Os nosos sabios’ [entre o sábado 6 e o xoves 11 de outubro – ambas datas incluídas- e entre o sábado 20 e o xoves 25 de outubro – ambas datas incluídas-].

Que o instrumento convencional ten por obxecto:

A colaboración entre ambas entidades para a gravación do programa “Os nosos sabios” entre o sábado 6 e o xoves 11 de outubro – ambas datas incluídas- e entre o sábado 20 e o xoves 25 de outubro – ambas datas incluídas- no Hall de Tirantes do Museo Centro Gaiás da Cidade da Cultura de Galicia.

Que o instrumento convencional que se pretende asinar se fundamentan no seguinte:



A Fundación Cidade da Cultura de Galicia, organización de natureza fundacional, de interese galego, sen ánimo de lucro, ostenta a titularidade da “Cidade da Cultura de Galicia” (CdC), un innovador e vangardista complexo construtivo, situado no monte Gaiás en Santiago de Compostela. Segundo o artigo 6 dos estatutos da Fundación Cidade da Cultura de Galicia constitúe o seu obxecto social “a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural”.

Para a consecución dos fins mencionados no punto anterior, e consonte o previsto no artigo 7 dos seus Estatutos, a FUNDACION pode realizar (en outras) as seguintes actividades:

- a) As necesarias para converterse nun actor clave na difusión cultural, que sirva de punto de encontro entre os cidadáns e a cultura.
- b) As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.[...]
- d) Cantas dinamicen o sistema cultural galego, promovendo a difusión e conservación da nosa cultura, e a formación dunha comunidade artística vibrante, atendendo tanto a autores de referencia como a novos talentos ou a cultura de base.
- e) As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada.[...]



Así pois, en virtude do mandamento estatutario, a FUNDACIÓN promove a realización todo tipo de actividades de carácter cultural e de lecer, como mostra de integración da cultura internacional con actividades de espaxemento e eventos sociais, e que contribúen ao desenvolvemento e enriquecemento do seu público, e proporcionan valor engadido ó tecido cultural.

Pola súa banda, MEDIASIETE COMMUNICATION AND PR CONSULTING S.L. & UNDATIA S.L., UNION TEMPORAL DE EMPRESAS, LEY 18/1982, DE 26 DE MAYO é unha empresa galega de produción de obras audiovisuais, e produtora da serie OS NOSOS SABIOS, programa de TV que plantea os seguintes obxectivos:

- Difundir o pensamento dalgunhas das grandes figuras de Galicia do último século en diferentes ámbitos (economía, ciencia, filosofía, educación, artes, cooperación, letras, deportes, etc.).
- Poñer en valor aos nosos sabios, aqueles que o son, non por acumular grandes coñecementos sobre unha determinada materia –que serían os especialistas ou expertos-, senón por saber desenvolver o seu coñecemento persoal coa intelixencia que dá a experiencia, persoas que nos axudaron a entender as cousas e capacitáronnos para reflexionar.
- Recuperar o xénero da entrevista en profundidade, nun formato que sirva tamén como homenaxe á traxectoria persoal e profesional de homes e mulleres que desempeñaron un labor importante para Galicia e como agradecemento polo seu compromiso coa nosa sociedade.
- Dar visibilidade ás persoas maiores, unha xeración que actualmente recibe o menosprezo social e a ignorancia dos medios de comunicación, que premian a mocidade no ámbito informativo, no entretemento e na ficción.



- Contribuír a que Televisión de Galicia dispoña dun arquivo audiovisual exhaustivo de personaxes ilustres que viviron algúns dos momentos máis intensos do noso pasado máis recente.

Visto o anterior, resulta de interese para ambas partes manifestan a gravación no Gaiás Cidade da Cultura de Galicia Gaiás do programa ‘Os nosos sabios’, contribuindo igualmente á difusión da Cidade da Cultura de Galicia como espazo de referencia no eido cultural, empresarial e tecnolóxico de Galicia, dirixindo a atención do público cara o valor arquitectónico do seus edificios e transmitindo unha imaxe actualizada do seu contido.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

Ana Isabel Vázquez Reboredo

Directora Xerente

Fundación Cidade da Cultura de Galicia

